

ĐAČKI IZLET

U školskoj 2018/2019. godini planiran je, kao i svake školske godine, đачki izlet.

Jednodnevni izlet učenika i profesora JU Pete gimnazije uspješno je realiziran 10. maja 2019. godine. Učenici su u pratnji svojih razrednika, u ovisnosti od razreda kojeg pohađaju, posjetili različita mjesta:

- I razred: Bijambare,
- II razred: Mostar,
- III razred: Visoko i
- IV razred: Jajce.

Učenici I razreda su posjetili, zajedno sa profesorima Modronja Admirom, Hajvaz Amirom, Lindov Sabinom, Kazazović Zarifom, Bošnjčić Tanjom i pedagogom Bešović Enilom, za turiste i izletnike veoma atraktivno područje na sjeveroistočnim padinama Kantona Sarajevo, u blizini Nišićke visoravni – Bijambare. Inače, Bijambare su proglašene zaštićenim pejzažem kako bi se prvenstveno očuvao i zaštitio prirodni krajolik, ali i radi naučnih istraživanja, ekološke edukacije i odgoja, kao i u cilju rekreacije i turizma. Učenici i profesori su proveli lijep dan, uživajući u čistom zraku i predivnom prirodnom ambijentu kojeg krasi gusta zimzelena šuma sa različitim vrstama borova, te pašnjaci kojima protiču dva potoka i pritom stvaraju mala jezercica koja poniru pod zemlju. Imali su priliku također da posjete i pravi biser prirode – Bijambarsku pećinu.

Učenici II razreda, u pratnji pet profesora: Bucalović Edin, Huskić Adisa, Bećirović Sabira, Šmalcelj Nina i Šećerbegović Mirsad, posjetili su jedan od najljepših gradova u Bosni i Hercegovini, prelijepi hercegovački grad Mostar koji je ime dobio po čuvarima mostova (mostarima) na obalama rijeke Neretve. Učenici i profesori su posebno uživali u šetnji starim dijelom grada gdje Neretvu premošćuje Stari most koji se od 2005. godine, zajedno sa starim gradom Mostarom, nalazi na popisu zaštićene kulturne baštine UNESCO-a.

Učenici III razreda su išli na izlet u Visoko. Voditelji odjeljenja, profesorice Bećirović Adisa, Muslić Dženana, Krečo Meliha, Delić Ena i Spahić Meliha, i njihovi učenici obišli su tunel "Ravne" i Arheološko-turistički park, kao i kulturno-historijske znamenitosti ovog bh. grada.

Učenici IV razreda i njihovi razrednici, profesori Požek Jan, Modronja Mediha, Džananović Meliha, Bubica Rasema, te voditelj nastavnog procesa i pedagog Bosnić Rabija, za destinaciju đачkog izleta imali su Jajce. Prije dolaska na glavno odredište, zadržali su se nešto duže u Travniku gdje su prošetali starim dijelom grada, te posjetili Plavu vodu i Šarenu džamiju. U Jajcu su uživali u prekrasnom pogledu na Plivski vodopad koji je jedinstven po tome jer je jedini vodopad u svijetu koji se nalazi u centru grada. Osim toga, obišli su svi zajedno Jajačku tvrđavu na vrhu grada koja predstavlja najimpozantnije zdanje u Jajcu, zatim podzemnu crkvicu koju stanovnici Jajca nazivaju katakombama, džamiju Esme sultanije, Dizdarevu ili Žensku džamiju, Zavičajni muzej sa etnoliškom zbirkom, a neki su posjetili i Muzej 2. zasjedanja AVNOJ-a.



